



Suí iomlánach

B9-0417/2021

20.7.2021

TAIRISCINT I gCOMHAIR RÚIN

de bhun Airteagal 143 de na Rialacha Nós Imeachta

chun cosc a chur le mí-úsáid a bheith á baint as deimhniú digiteach COVID an Aontais ag roinnt Ballstát chun rochtain na saoránach ar sheirbhísí áirithe a shrianadh agus chun bac a chur ar an téarnamh eacnamaíoch

Simona Baldassarre, Mara Bizzotto, Paolo Borchia, Marco Campomenosi, Susanna Ceccardi, Rosanna Conte, Francesca Donato, Danilo Oscar Lancini, Elena Lizzi, Antonio Maria Rinaldi, Annalisa Tardino, Stefania Zambelli, Marco Zanni

Tairiscint i gcomhair rún ó Pharlaimint na hEorpa chun cosc a chur le mí-úsáid a bheith á baint as deimhniú digiteach COVID an Aontais ag roinnt Ballstát chun rochtain na saoránach ar sheirbhísí áirithe a shrianadh agus chun bac a chur ar an téarnamh eacnamaíoch

Tá Parlaimint na hEorpa,

- ag féachaint do Rialachán (AE) 2021/953,
 - ag féachaint do Riail 143 dá Rialacha Nós Imeachta,
- A. de bhrí go bhfuil Rialachán AE maidir le Deimhniú Digiteach COVID an Aontais bunaithe ar Airteagal 21 CFAE¹ agus gurb é an t-aon chuspóir atá leis ná éascaíocht a dhéanamh ar shaorghluaiseacht daoine le linn phaindéim COVID-19 i limistéar Schengen;
- B. de bhrí gur bunluach é prionsabal an neamh-idirdhealaithe a chumhdaítear in CFAE agus de bhrí gur bunriachtanach í an tsaorghluaiseacht;
- C. de bhrí go bhfuil idirdhealú á dhéanamh ar dhaoine ag roinnt Ballstát i ndáil le rochtain ar spásanna poiblí tríd an oibleagáid pas sláinte a thabhairt ar aird;
- D. de bhrí go bhfuil mórán catagóirí daoine ann nach bhfaigheann vacsaíní ar chuíseanna éagsúla;
1. á chur i bhfáth nach féidir Deimhniú AE a úsáid chun críocha atá éagsúil leosan a bhunaítear le Rialachán (AE) 2021/953, agus gur cheart go mbeadh bonn dlíthiúil náisiúnta iomchuí ag na Ballstáit más mian leo déanamh amhlaidh;
 2. ag tathant ar na Ballstáit cosc a chur le mí-úsáid a bheith á baint as Deimhniú AE ar shlí a d'fhéadfadh srian a chur le saoirsí bunúsacha;
 3. ag tathant ar an gCoimisiún a áirithíú nach n-éileoidh na Ballstáit go dtabharfaí Deimhniú AE ar aird chun seirbhísí bunriachtanacha a rochtain;
 4. á iarraidh ar na Ballstáit, maidir leis na costais a thabhdóidh saoránaigh chun maipíneachtaí a dhéanamh, na costais sin a sheasamh.

¹ Rialachán AE maidir le creat chun deimhnithe idir-inoibritheacha vacsaínithe, tástála agus téarnaimh i ndáil le COVID-19 a eisiúint, a fhíorú agus a ghlacadh.